

BAB III

MÈTODE PANALUNGTIKAN

3.1 Desain Panalungtikan

Métode panalungtikan mangrupa salah sahiji cara pikeun ngahontal tujuan dina panalungtikan. Sakumaha anu ditétélakeun ku Arikunto (2010, kc. 192) yén métode dihartikeun minangka cara-cara nu bisa digunakeun pikeun ngumpulkeun data.

Nurutkeun Maryaeni (2005, kc. 1), hiji panalungtikan dina seuhseuhanana mangrupa usaha pikeun maham fakta sacara rasional-émpiris, nu dipigawé ngaliwatan léngkah-léngkah kagiatan nu tangtu, luyu jeung prosédur nu dipilih tur ditangtukeun ku panalungtik. Ieu panalungtikan ngagunakeun pamarekan kualitatif kalayan métode deskriptif.


Panalungtikan kualitatif leuwih mentingkeun prosés batan hasilna. Sabab dina prak-prakanana, panalungtikan kualitatif kudu nilik hiji pasualan kalawan gemet sangkan hasil dina éta panalungtikan bisa leuwih maseuk kana tujuan jeung watesan panalungtikan. Nurutkeun Sukamadinata (2010, kc. 94) panalungtikan nu sipatna kualitatif mibanda tujuan pikeun maham kana fénoména-fénoména sosial tina jihad (presfektif) partisipan. Nurutkeun Bungin (2011, kc . 61) nétélakeun yén panalungtikan kualitatif nyaéta prosés nu nyoko kana sumber data dina wujud lisan atawa tulisan tur sipatna *kasuistik*. Nurutkeun Bogdan & Biklen, S (dina Saeful Rahmat, 2009, kc. 77) nétélakeun yén panalungtikan kualitatif nyaéta salah sahiji prosédur panalungtikan nu ngahasilkeun data déskriptif nu mangrupa omongan atawa tulisan jeung paripolah jalma nu ditalungtik.

Dumasar kana éta pamarékan dina ieu pedaran digunakeun métode deskriptif nyaéta métode pikeun maluruh jeung ngumpulkeun data sacara faktual, tuluy dianallisis jeung ditapsirkeun (Bungin, 2011, kc. 62). Métode déskriptif dipaké pikeun ngajelaskeun data kalawan jéntré, ku cara ngajelaskeun, nganalisis, jeung ngelompokkeun. Data nu geus kapanggih, dikelompokkeun sarta dianalisis dumasar kana struktur jeung semantikna. Luyu jeung pamadegan nu ditepikeun ku Nasir (2003, kc. 35), yén métode déskriptif ngabogaan tujuan pikeun nyieun

déskriptif, gambaran, lukisan sacara sistematik, faktual, luyu jeung pakta, sipayatipat sarta hubungan antar pénoména nu ditalungtik.

Hal-hal anu didéskripsiun dina ieu panalungtikan nyaéta fungsi keterangan dina novél *Béntang Pasantréñ* karya Usép Romli H.M. Éta fungsi keterangan baris dianalisis dumasar kana distribusi keterangan, wangun keterangan, warna keterangan, jeung harti semantis. Dumasar kana pamarekan jeung métode anu dipaké, disusun desain panalungtikan anu ngawujud guluyuran bagan saperti diébréhkeun dina bagan 2.5.

Bagan 2.5 Desain Panalungtikan



3.2 Data jeung Sumber Data

Sutopo (2006, kc. 56) nétélakeun yén sumber data nyaéta data nu dimeunangkeun tina métode nu tangtu nu mangrupa jalma, artéfak, atawa dokumén-dokumén. Sakumaha nu ditétélakeun ku Arikunto (2010, kc. 161) yén data mangrupa hasil catetan panalungtik, kana fakta tulisan atawa angka.

Data nu digunakeun dina ieu panalungtikan nyaéta analisis fungsi keterangan dina novél *Béntang Pasantréñ* Karya Usép Romli H.M. Novél *Béntang Pasantréñ* Karya Usép Romli H.M medal taun (2006). Novél *Béntang Pasantréñ* kabagi kana genep carita. Eusina aya 70 kaca, kalayan panjang buku 20cm lebar 14,5 cm kandelna 0,4 cm. Sawatara karanganana Usép Romli H.M kungsi meunang penghargaan, di antarana Hadiah Sastra *Manglé* (1977), Hadiah Sastra LBSS (1995 jeung 2000). Kungsi deuih meunang Hadiah *Penulisan Buku Depdikbud* (1997 jeung 1978), katut *Piagam Wisata jeung Budaya Diparda Jabar* (1982).

Idéntitas buku objék panalungtikan.

Judul	: Béntang Pasantréñ
Pangarang	: Usép Romli H.M
Medal	: taun 2006
Penerbit	: PT Kiblat Buku Utama
Kandel Buku	: 70 kaca
Panjang jeung lébar buku	: 20cm x 14,5 cm
Kandel Buku	: 0,4 cm

Sinopsis Novél Béntang Pasantréñ

Imas Patonah (Endén) putra pangersa anu bisaan maca qur'an gadis pasantréñ anu loba dipikareseup ku santri lalaki. Santri lalaki nu reuseup ka Imas nyaéta Kang Aép. Awal mulana, Kang Aép keur jalan jeung Si Padil (babaturanna) ka walungan. Sakolébat, Kang Aép ningalih wajah Imas nu kacida geulisna. Aép langsung ceuleugeuk ningalina.

Kahirupan dipasantréñ nu loba babaturannana ngahalangan keur para santri boh lalaki santri nu rék ngadeukeutan santri istri, boh santri istri nu rék ngadeukeutan lalaki. Ngalakukeun hiji kasalahan nu nganukur kasalahan nu biasa, dihukumna jadi luar biasa. Pernah basa éta Kang Aép papendak sareng Imas.

Syifa Nurafifa, 2019

FUNGI KATERANGAN DINA NOVÉL BÉNTANG PASANTRÉÑ KARYA USÉP ROMLI H.M. (ULIKAN STRUKTUR JEUNG SEMANTIS)

Universitas Pendidikan Indonesia | repository.upi.edu | perpustakaan.upi.edu

Singkat carita Imas tisoledat ngagubrak sabab jalanna leueur. Kang Aép rék mantuan tapi Imas ngabeureuteuk lumpat. Sendalna tinggaleun hiji. Isukna dipasantrénn loba nu ngomongkeun Kang Aép. Pas kitu, Kang Aép digeroan ku Ajeungan, pedah aya béja ti santri séjén. Kang Aép ceunah mawa sendalna Imas. Harita kénéh Kang Aép digundulan ngan sabeulah. Kang Aép rumasa éra ka Imas. Kang Aép nékatkeun haté rék malikeun éta sandal jeung Si Padil. Tapi pas nepi imahna dibérékeun ka Padil éta sandal téh da Kang Aépna éraeun ku Imas.

3.3 Téhnik Ngumpulkeun Data

Téhnik ngumpulkeun data anu dipaké dina ieu panalungtikan nyaéta téhnik studi pustaka. Téhnik studi pustaka nyaéta téhnik ngumpulkeun data tina bahan tinulis. Data anu dikumpulkeun nyaéta keterangan dina kalimah nu aya dina novél *Béntang* Pasantrénn Karya Usép Romli H.M. Aya sababaraha tahap dina ngumpulkeun data, nyaéta:

- a. Nangtukeun novél nu rék dijadikeun sumber data panalungtikan.
- b. Maca sarta nyirian kalimah dina novél nu ngandung fungsi keterangan.
- c. Nyalin kalimah kana kartu data.
- d. Nganalisis struktur jeung harti dina novél jeung,
- e. Nyieun kacindekan.

3.4 Instrumén Ngumpulkeun Data

Instrumén panalungtikan anu dipaké dina ieu panalungtikan nyaéta kartu data. Nurutkeun Sugiyono (2017, kc. 101) kartu data pikeun validasi nu kudu dilakukeun ku panalungtik di antarana kudu maham métode kualitatif, ngawasa élmu nu bakal diguar, jeung kasiapan panalungtik pikeun nalungtik. Instrumén panalungtikan nyaéta alat nu digunakeun ku panalungtikan pikeun ngumpulkeun data sangkan panalungtikan leuwih gampang jeung hasil anu hadé, dina harti lengkep jeung semantis nepi ka gampang diolah Arikunto (dina Ulfah, 2015, kc. 27).

Dina ieu panalungtikan, panalungtik (*human instrumént*) miboga kalungguhan pikeun ngumpulkeun data, ngajén kualitas data, analisis data,

nafsirkeun data, jeung nyieun kacindekan kana hasil nu kapanggih (Sugiyono, 2017, kc. 102).

Kartu Data

Dina prakna ngumpulkeun data, instrumén anu dipaké dina ieu panalungtikan nyaéta kartu data. Kartu data dipaké pikeun nyalin data fungsi keterangan tina téks novél, eusi informasi dina kartu data nyaéta: (1) ngaran sumber data; (2) kaca; (3) conto kalimah; (4) aspék analisis. Conto format kartu data:

No: 01	Kode: BP/J1/Kc.5/P-1/K-01/
Basa usik/rék ngépéskeun kararanggé anu patingkarayap kana awak.	
Distribusi: Keterangan di hareup + di tukangeun klaus	
Wangun: Keterangan wangun klaus	
Warna: Frasa Preposisional	
Harti: Tempat jeung keterangan atributif	

3.5 Téhnik Ngolah Data

Téhnik ngolah data mangrupa kagiatan nganalisis data nu geus dikumpulkeun. Dina ieu panalungtikan maké analisis struktural jeung semantis. Analisis struktural pikeun mesék hal-hal ngeunaan struktur tina éta fungsi keterangan sedengkeun analisis semantis mangrupa péso nu dipaké dina mesék tina harti anu aya dina fungsi keterangan. Sacara umum ieu panalungtikan mangrupa panalungtikan anu ngagunakeun pamarekan kualitatif.

Nurutkeun Miles jeung Huberman (Sugiyono, 2017, kc. 337), nétélakeun yén aktipitas dina analisis data kualitatif dipilampah sacara interaktif sarta lumangsung tuluy-tumuluy nepi ka tuntas.

Dina nganalisis fungsi keterangan dilakukeun ku cara téhnik analisis unsur langsung (*immediate constituen (ic) analysisi*), nyaéta analisis anu niténan unsur-unsur basa anu langsung ngawengku unsur langsung saluhureunana Hockett (dina Sudaryat, 2014, kc. 59).

Syifa Nurafifa, 2019

FUNGSI KATERANGAN DINA NOVÉL BÉNTANG PASANTRÉN KARYA USÉP ROMLI H.M. (ULIKAN STRUKTUR JEUNG SEMANTIS)

Universitas Pendidikan Indonesia |repository.upi.edu | perpustakaan.upi.edu

Léngkah-léngkah dina ngolah data saperti ieu di handap:

- a. Nitenan deui data kalimah nu geus dikumpulkeun.
- b. Ngaruntuykeun data kalimah nu ngandung fungsi keterangan sacara alfabetis.
- c. Nyieun papasingan fungsi keterangan dumasar kana distribusina, wanguunna, warnana, jeung hartina.
- d. Ngadeskripsikeyun hasil analisis fungsi keterangan dumasar kana distribusina, wanguunna, warnana, jeung hartina.
- e. Napsirkeun data jeung nyieun kacindekkan.